

## Der Wei und ich

An Wei trink ich nit garn Älee,  
drüm kann ich aa gur nit verstäh,  
wenn eener sitzt sou ganz Älee  
dort in än Eck und säuft fer zwä.  
Da Maulaff bringt sich doch üm viel,  
denn hockt dar in seim Eckla still  
und sauft weit über Maß und Ziel,  
na kümmt na bald a komisch Gfühl.

Mir tät dos doch viel besser paß,  
wenn ich zamm sitz mit meiner Rass,  
trink Wei, erzähl und hob mein Spaß.  
Äs Singa könnt ich da nit lass.  
Wie tät Ihr Euch denn dazu stell?  
Ich sing nit immer wie ich soll -  
und manchmal töä ich ziemlich gröhl.  
Doch davo kümmt nit nei die Höll.

Am liebsten ober trink ich Wei  
zu zwät, setz mich ins Eckla nei  
und lächl still - probier dabei  
mein Schatz sei Göschla und dan Wei.  
Und jeder Kenner stimmt mir zu:  
Bei sou än Zwiigspräch, Du auf Du,  
da paßt än bestn Wei dazu,  
denn dar schafft Harmonie im Nu!

